

UNIVERZITET U SARAJEVU
FILOZOFSKI FAKULTET
Odsjek za anglistiku

Sarajevo, 3. 4. 2020.

Nastavno-naučnom vijeću
Filozofskog fakulteta
Ovdje

Predmet: Izvještaj o angažovanju stranog lektora za engleski jezik u studijskoj 2020/2021. godini na Odsjeku za anglistiku

Nastavnim planom i programom za prvi i drugi ciklus studija na Odsjeku za anglistiku predviđen je angažman stranog lektora. Strani lektor izvodi nastavu u sklopu predmeta Savremeni engleski jezik, koji je zastupljen na svim godinama studija.

Zvanje lektor podrazumijeva specifična znanja i vještine, zasnovane koliko na akademskim kvalifikacijama, toliko i na predavačkom i drugom iskustvu. Lektor radi na izgradnji jezičkih vještina, što se ostvaruje ne samo naprednim nastavnim tehnikama, već i korištenjem znanja koja proističu iz vrlo širokih područja djelovanja. Lektor u svom radu blisko saraduje s predmetnim nastavnicima, kao i sa saradnicima koji učestvuju u izvođenju nastave na određenom predmetu. Nastava koju izvodi je interaktivna, ali traži brižljivu koordinaciju u smislu pedagoškog sadržaja, kao i teorijskog osnova. Nastava na lektorskim satima se, na svakoj godini studija i u svakom semestru, direktno vezuje za vještine koje se grade na nastavi koju na predmetu Savremeni engleski jezik izvode domaći predmetni nastavnik i saradnik, ali i za teorijska znanja koja se stiču na predmetima iz jezika (*morfologija, fonetika, morfosintaksa, sintaksa proste i složene rečenice*). Na drugom ciklusu studija se nastava izvodi u skladu s potrebama usmjerenja koja Odsjek za anglistiku ima, te se jezičke vještine usavršavaju na način i na nivou primjerenom za drugi ciklus studija.

Stephen Hefford je izvorni govornik i diplomirani psiholog. U svom diplomskom radu se bavio specifičnim aspektima korištenja jezika. Nakon toga je, stekavši zvanje magistra iz drugog područja (a raznovrsnost u akademskim kvalifikacijama je preporučiva za zvanje lektora, srodno zvanju prevodioca), nastavio s nastavničkim radom. Ima bogato iskustvo predavača engleskog kao stranog jezika, i to u Japanu, kao i u BiH. Predavao je i opći i engleski za posebne namjene (*Business English*). Kolega Hefford posjeduje i diplomu CELTA (*Certificate in Teaching English for Speakers of Other Languages*), koja mu daje

potrebnu specifičnu kvalifikaciju, jer se radi o međunarodno priznatoj kvalifikaciji za predavače engleskog kao stranog jezika.

Kolega Stephen Hefford je na Odsjeku za anglistiku Filozofskog fakulteta angažiran od ljetnog semestra akademske 2015/2016. godine. U proceduri koja je pokrenuta u januaru 2016, a okončana u martu 2016, kad je kolega Hefford počeo izvoditi nastavu, utvrđeno je da ispunjava potrebne uslove za to zvanje.

Budući da kolega Stephen Hefford po svojim kvalifikacijama u potpunosti zadovoljava kriterije za angažman u zvanju stranog lektora, te s obzirom na činjenicu da je na Odsjeku tokom svog dosadašnjeg rada pokazao izuzetne rezultate, a u svjetlu nastavnih potreba Odsjeka za anglistiku, predlažemo Filozofskom fakultetu da se kolegi Heffordu obnovi angažman za narednu akademsku godinu.


Komisija:

doc. dr Selma Đuliman

doc. dr Nejlja Kalajdžisalihović

doc. dr Melisa Okičić

Voditeljica Odsjeka za anglistiku


prof. dr Amira Sadiković